

## Հետազոտական աշխատանք

<p><b>Կազմակերպության տվյալներ</b></p> <ul style="list-style-type: none"> <li>• Անվանում, հասցե</li> <li>• Տնօրեն</li> <li>• Էլ. հասցե</li> <li>• Հեռախոս</li> </ul>	<p>«Մասնակցային դպրոց» կրթական հիմնադրամ Վահրամ Սողոմոնյան <a href="mailto:masnakcayindproc@gmail.com">masnakcayindproc@gmail.com</a> +37493581908</p>
<p><b>Հետազոտության թեմա/վերնագիր</b></p> <ul style="list-style-type: none"> <li>• Հետազոտության թեմա</li> </ul>	<p>«Ես և շրջակա աշխարհը» առարկայի շրջանակներում գործնական աշխատանքի դերը որպես քննադատական և ստեղծագործական մտածողության զարգացման միջոց</p>
<p><b>Ուսուցչի տվյալներ</b></p> <ul style="list-style-type: none"> <li>• Անուն, ազգանուն, հայրանուն</li> <li>• Մասնագիտություն</li> <li>• Հեռախոս</li> <li>• Էլ. հասցե</li> <li>• Դասավանդվող առարկաներ</li> <li>• Դասարաններ</li> </ul>	<p>Հարությունյան Մելինե Արտավազի Դասվար 077013028 <a href="mailto:Melin.271084@gmail.com">Melin.271084@gmail.com</a> Մաթեմատիկա, Մայրենի, Ես և շրջակա աշխարհ, Տեխնոլոգիա  I – IV դասարաններ</p>

**Ուսումնական  
հաստատության տվյալներ**

- Անվանումը, հասցե
- Հեռախոս
- Էլ. հասցե  
(տնօրենության)
- Web կայքի հասցե

«Առողջ ապագայի տեսլական» հիմնադրամ  
Էվրիկա դպրոց, Ադրնցի փող. 6/2 շենք  
099950440  
Eureka.my.school@gmail.com

## Բովանդակություն

• Տիտղոսաթերթ	1
• Բովանդակություն	2
• Ներածություն	3
• Ո՞ր առանցքային կոմպետենցիային/կարողունակությանն է ուղղված նպատակի ուսումնասիրությունը	4
• Գրականության ակնարկ	6
• Հետազոտության ընթացք	10
• Եզրակացություններ, առաջարկություններ	14
• Օգտագործված գրականության ցանկ	17
• Հավելվածներ	18

# Ներածություն

<p><b>Նպատակը եւ հետազոտական հարցը</b></p>	<p>Մանկավարժների մեթոդական, մասնագիտական պատրաստվածությամբ, գործնական աշխատանքների ճիշտ կազմակերպմամբ և հմտությունների որակով է պայմանավորված աճող սերնդի կրթվածությունը և արժեհամակարգի ձևավորումը: Ուսուցման և ուսումնառության ընթացքի արդյունավետությունը պայմանավորված է ուսուցիչի մասնագիտական կարողությունների հմուտ կիրառումից և կոմպետենտության աստիճանից. գործընթացի ճշգրիտ պլանավորումը, գործնական աշխատանքների կազմակերպումը, գիտելիքի փոխանցման, դրա ինքնուրույն ձեռքբերման ուղիների մատնանշումը, սովորողներին սովորել սովորեցնելու կարողությունը փաստում են մանկավարժական համակարգված գործունեության մասին: Ուստի դասավանդողից պահանջվում է շարունակական ինքնակրթություն, մասնագիտական կարողությունների վերանայում և վերամշակում՝ արդի պահանջներին համապատասխան: Ուսուցման ժամանակակից տեսությունների հիմնական առանձնահատկություններից է դասավանդման գործընթացում գործնական աշխատանքների կազմակերպման մոտեցում դրսևորելու անհրաժեշտությունը: Այս հարցի քննարկումը հանգեցրել է կրթության բովանդակության, մեթոդների և ձևերի, ուսուցման արդյունավետության գնահատման</p>
--	---

	<p>սկզբունքների վերանայման անհրաժեշտությանը, որն էլ ապահովում է մեր կողմից ընտրված թեմայի արդիականությունը և անհրաժեշտությունը: Աշխատանքի նպատակը և խնդիրները: Սույն աշխատանքի նպատակն է ներկայացնել արդյո՞ք գործնական աշխատանքների կազմակերպումը նպաստում է երեխաների քննադատական և ստեղծագործական մտածողության վրա ես և շրջակա աշխարհն առարկայի շրջանակներում: Աշխատանքի նպատակից ելնելով անհրաժեշտ է ներկայացնել</p> <ul style="list-style-type: none"> <li>• գործնական աշխատանքի կարևորությունը դասավանդման ընթացում</li> <li>• ուսումնասիրել գործնական աշխատանքի կազմակերպման միջոցները «Ես և շրջակա աշխարհը» դասերին</li> <li>• Ներկայացնել դասի պլան «Ես և շրջակա աշխարհը»-ի դասերից</li> </ul>
<p><b>Ո՞ր առանցքային կոմպետենցիային/կարողուն ակությանն է ուղղված նպատակի ուսումնասիրությունը</b></p>	<p>Նպատակի ուսումնասիրությունը ուղղված է հետևյալ կոմպետենցիաներին.</p> <ul style="list-style-type: none"> <li>• լեզվական գրագիտություն եւ կարողունակություն,</li> <li>• սովորել սովորելու կարողունակություն,</li> <li>• ինքնաճանաչողական և սոցիալական կարողունակություն</li> <li>• ճանաչողական կարողունակություն</li> </ul>

<p><b>Հետազոտության թիրախային խումբը և շրջանակը /քանակ, սեռային բաշխում/</b></p>	<p>ք. Երևան Էվրիկա դպրոց 2-րդ դասարան 16 աշակերտ՝ 9 աղջիկ և 7 տղա</p>
<p><b>Օգտագործված հետազոտական մեթոդները, գործիքները (օրինակ՝ քանական հետազոտություն՝ հարցաթերթիկի միջոցով, որակական հետազոտություն՝ խորին հարցազրույցի միջոցով ե. այլն)</b></p>	<p>Աշխատանքը կատարել ենք հետևյալ մեթոդներով.</p> <ul style="list-style-type: none"> <li>• Ուսումնասիրություն,</li> <li>• Վերլուծություն,</li> <li>• Համեմատում:</li> </ul> <p>Հետազոտության ընթացքում պատրաստել ենք պաստառներ, սովորաթղթի վրա գծել ենք իրենց բնակավայրի, թաղամասի քարտեզը:</p>
<p><b>Հետազոտության իրականացման ժամանակահատվածը</b></p>	<p>Մեկ ամիս</p>

**Գրականության ակնարկ**

- Մեջբերումներ արդեն արված հետազոտություններից,
- Մեջբերումներ գրականությունից, տեղեկության վստահելի աղբյուրներից:

**Գործնական աշխատանքի կարևորությունը դասավանդման գործընթացում**

Քանի որ ճանաչողության հիմքը պրակ-տիկան է, հետևաբար աշակերտների գիտակ-ցությունը պետք է տանել նրան, որ տեսական հետազոտությունները կատարվում են ոչ միայն հանուն գիտության, այլև հանուն պրակտիկ գործունեության զարգացման, հանուն մարդկանց կենսապայմանների ապահովման և բարելավման: Պրակտիկայում առաջադրված խնդիրները լուծվում են տարբեր գիտությունների միջոցով: Այդ խնդիրների գիտական լուծումները փոր-ձարկվում և ներդրվում են պրակտիկայում: Նա պետք է հասկանա, թե որքան կարևոր է ձեռք բերած տեսական գիտելիքները կյանքում հանդիպող առօրյա իրադրություններում կիրառել կարողանալը:

Հանրակրթության պետական նոր չափորոշչով սահմանված 8 առանցքային կարողունա-կությունների զարգացումն ապահովելու հա-մար գործնական աշխատանքը ընթացիկ գնահատման արդյունավետ տեսակներից է:

Գործնական աշխատանքները բազմազան են՝ պատասխանի ձևավորումից մինչև էքսկուրսիայի ընթացքում տեսածի ու լսածի ներկայացում աղյուսակի, ֆիլմի, ակնարկի տեսքով, երգի հորինումից մինչև նախագծի իրականացում, արդյունքների ներկայացում ու կիրառում: Նշված բոլոր աշխատանքները կարող են իրականացվել ինչպես անհատապես, այնպես էլ խմբային աշխա-տանքի շրջանակում, դպրոցում, տանը կամ այլ

վայրում, գնահատվել միավորով կամ բառային բնութագրումներով: Գործնական աշխատանքը որպես կանոն առաջադրվում է դասարանի բոլոր աշակերտներին և ուսուցչի հետևողականությունը պարտադիր է:

Աշակերտը գործնական աշխատանքի մա-սին տեղեկացվելիս պետք է հստակ պատկերացում ունենան, թե ինչ է պահանջվում իրենցից: Սա աշխատանքի կազմակերպման նախապատրաստական փուլն է: Այդ փուլում աշակերտները պետք է պարբերաբար խորհրդակցեն ուսուցչի հետ, կլինեն աշակերտներ, որ կունենան ուղղարդման կարիք: Այդպես վարվելով՝ ուսուցիչն օգնում է իր սաներին՝ սովորել սովորել, իմացածը համակարգել և կիրառել այն կոնկրետ առաջադրանքներ կատարելիս: Չէ որ հենց սա է գործնական աշխատանքի հիմնական նպատակը:

**Քննադատական և ստեղծագործական մտածողության զարգացման կարևորությունն ու առանձնահատկությունները դասապրոցեսի ընթացքում գործնական աշխատանքի միջոցով**

Երեխաների մոտ քննադատական մտածողության զարգացումը բնածին շնորհ չէ: Քննադատական մտածելու կարողությունը ձեռք է բերվում հատուկ գործիքների, տեխնի-կայի, խաղերի, կանոնավոր վարժությունների, գործնական աշխատանքների միջոցով:

Քննադատական մտածողության զարգացման համար գործնական աշխատանքներն այսօր նոր

նշանակություն են ձեռք բերում, քանի որ համակարգիչների և խաղային այլ սարքավորումների լայն տարածումը զբաղեցնում է մատաղ սերնդի առօրեայի մի զգալի մասը: Ուստի մեծանում է երեխաների մտավոր գործունեության մարզմանը նպատակա-ուղղելու հրամայականը: Դասապրոցեսի ընթացքում ևս նպատակամղված գործնական աշխատանքները պետք է խթանեն երեխայի ռազմավարական մտածողության ձևավոր-րմանը, տրամաբանության զարգացմանը:

Քննադատական /տրամաբանական մտածել նշանակում է առանձնացնել էականը երկրորդականից, գտնել փաստարկներ, հակադարձումներ և եզրակացություններ անել, որին շատ նպաստում է սեփական փորձը, հետազոտությունը: Դա ավելի շուտ համոզիչ լինելու և դյուրահավատ չլինելու և սեփական մտածողություն ունենալու կարողությունն է: Քննադատական մտածողության զարգացմամբ զբաղվելը պետք է սկսել գործնականում օրորոցից:

Քննադատական մտածողությունը հասկացվում է որպես երեխաների հետաքրքրասիրության դրսևորում, որոշակի հարցի վերաբերյալ սեփական տեսակետի ձևավորում, այն տրամաբանական փաստարկներով պաշտպանելու կարողություն, հետազոտական մեթոդների կիրառում:

**Ստեղծագործական և քննադատական մտածողության զարգացումը <<Ես և շրջակա աշխարհը>> առարկայի դասապրոցեսում**

Համաձայն նոր չափորոշիչերի, առարկան նպատակ ունի հիմքեր դնել և սովորողին օգնել՝



- ✓ Հասկանալ սեփական ինքնությունը՝ որպես անձ և անհատականություն,
- ✓ Ընդունել մարդուն՝ որպես բարձրագույն արժեք, ընդունել իր հասակա-կաիցներին՝ հարգելով նրանց առանձնահատկությունները, դրսևորել միմյանց նկատմամբ հարգալից և ոչ խտրական վարքագիծ,
- ✓ Արդյունավետ հաղորդակցվել, հասկա-նալ, քննադատաբար վերլուծել տարբեր տեսակետներ, արտահայտել սեփականը,
- ✓ Պատկերացում ունենալ ազգային, համամարդկային և համերկրային գաղափարներից, ընդունել այն,
- ✓ Ուսումնասիրել աշխարհը Հայաստանի տեսանկյուից,
- ✓ Ձեռք բերել փորձառություններ, որ հիմնված են իրենց հետաքրքրու-թյունների վրա և խթանում են իրենց շրջակա աշխարհն ուսումնասիրլու ձգտումը,
- ✓ Կիրառել քննադատական և ռեֆլեկտիվ մտածողություն տարբեր իրավիճակներ վերլուծելու, խնդիրներ լուծելու, որոշում-ներ կայացնելու հարցում,
- ✓ Չարգացնել բնագիտական հետազո-տությունների համար անհրաժեշտ գաղափարներ հմտություններ և սովորություններ,
- ✓ Գնահատել և ընտրել արժանահավատ տեղեկատվություն, հաշվի առնել տարբեր տեսակետներ, կարողանալ գերծ մնալ բռնությունից և բռնություն կիրառելուց,

	<ul style="list-style-type: none"> <li>✓ Տեղեկացված լինել որոշումների կայացման բարոյաէթիկական հետևանք-ների մասին,</li> <li>✓ Ունենալ պատասխանատու և գիտակից վերաբերմունք սեփական և ուրիշների առողջությանն ու անվտանգությանը, ձեռք բերել համապատասխան սովորություններ,</li> <li>✓ Հասկանալ հասարակական որոշ գործընթացների կարևորությունը, գիտակցել սեփական արձագանքի հնարավոր ազդեցությունը հասարակության վրա:</li> </ul> <p>Առարկայի դասավանդման նպատակների հպանցիկ ուսումնասիրությունն արդեն իսկ փաստում է, որ առարկայի դասավանդման պրոցեսում գերխնդիր է մտածող, վերլուծող ու տրամաբանող անհատի կերտումը:</p>
<p><b>Չետագրողության ընթացքը</b></p>	<p>Իսկ ինչպես կարելի է գործնական աշխատանքի միջոցով զարգացնել քննադատական մտածողությունը հենց դասապրոցեսում: Փորձեմ ներկայացնել օրի-նակով: Երկրորդ դասարանի դասագրքային նյութը մեկ ամբողջ թեմա նվիրում է բնա-կավայրին՝ քաղաքի ու թաղամասի կտրվածքով: Նախնական փուլում երեխաներին տվել էի հատորոշիչ թեստ,որի միջոցով պետք է հասկանայի աշակերտների ունեցած գիտելիքներն իրենց բնակավայրի, թաղամասի վերաբերյալ: Աշակերտներին նաև հանձնարարել էի ստվարաթղթի վրա նկարեն իրենց բնակավայրի,</p>

թաղամասի քարտեզը: Այդ աշխատանքներն ինձ անհրաժեշտ էին վերջնարդյունքի հետ համեմատելու համար:

Թեմայի ուսումնասիրության ընթացքում արկղիկի մեջ լցրել էի տարբեր շինարարական, բժշկական, վարսավիրական գործիքներ, երեխաները հերթով արկղիկից հանում էին գործիքը և փորձում էին կռահել, թե ինչի մասին ենք խոսելու այդ օրը: Հնչած բոլոր բառերը, կարծիքները գրել էինք գատախտակին, ապա հուշող բառերով փորձել ամբողջացնել միտքը: Այս հուշումները նպաստում էին, որ սովորողները մաքսիմալ լարեն իրենց հիշողությունը, փորձեն հասկանալ՝ ինչ ընդհանրություններ ունեն նշված առարկաները: Բացի այդ, այսպիսի գործնական աշխատանքը, որն իրականացրեցինք մտագրոհի միջոցով՝ հնարավորություն տվեց նաև գտնելու առարկաների պատճառ-հետևանքային կապերը, որոնք նմանությունների առարկաների ու դրանց հետ կապված երևույթների հետ: Գիտելիքների ամրապնդման համար աշակերտներին հանձնարարել էի հաջորդ դասի համար հավաքեն տեղեկություններ իրենց բնակության վայրի մասին, թե ինչ հանրային սպասարկման կետեր կան, ինչ հուշարձաններ կամ այլ ընկնող շինություններ:

Այդ հանձնարարությունից հետո պլանավորել էի հետաքրքիր վերլուծական աշխատանքի մեկ այլ տարբերակ՝ «Լուրերի պաստառը», որը երեխաները պետք է իրականացնեին լուրերի թողարկման տեսքով: Լուրերի պաստառի տեխնիկան տարրական դասարաններում կարելի

է կիրառել հիմնականում տնային աշխատանքների ժամանակ:

Աշակերտները մեծ ոգևորությամբ սպասում էին հաջորդ դասին, ամեն օր մի նոր տեղեկություն էին բերում իրենց բնակավայրից, թաղամասից: Հատկապես այն երեխաները, ովքեր իրար մոտ էին բնակվում կամ նույն թաղամասից էին: Դիտարկման ընթացքում հայտնաբերեցի, որ մեկը մյուսից շատ բան է սովորում, նրանք այդ ընթացքում ոչ միայն շինությունների, արձանների մասին էին խոսում, այլ նաև հավելյալ տեղեկություններ էին փոխանցում մեկը մյուսին: Տեսածն ու լսածը՝ վերլուծում, քննարկում, համեմատում:

Արդեն հաջորդ դասին բավականին տեղեկություններ ունեին, ներկայացրեցին իրենց թաղամասը, բնակավայրը:

3-րդ դասի համար հանձնարարել էի խմբային առաջադրանք: Աշակերտներին բաժանել էի 2 խմբի: 1-ին խմբի աշակերտներին հանձնարարել էի պատրաստել «Լրատվական պաստառ» և լրատվական թողարկման ձևով ներկայացնել իրենց համայնքում հանգստյան օրերին հանդիպած որևէ իրադարձություն, դեպք, որն, ըստ իրենց համայնքի բնակիչների համար օրինակելի է, կնպաստի համայնքի զարգացմանը: 2-րդ խումբը՝ թե ինչ է պակասում իրենց համայնքում, որն ավելի լավը կդարձներ, այն պարսավելի է և պետք է ներկայացնել այն այնպիսի շեշտադրմամբ, որ վատ փորձը երբևէ կրկնօրինակման առիթ չհանդիսանա, բոլորը խուսափեն արարքը կրկնելուց:

Լուրերի թողարկման համար պատրաստել էի հեռուստացույցի շրջանակ:

Աշակերտներն աշխատանքը շատ սիրով ու հետաքրքրությամբ էին կատարել: Նրանք նույնիսկ այդ օրը ավելի ներկայանալի տեսք ունեին, քանի որ լուրերի թողարկում էին վարելու: Ճաբաթվա ընթացքում հետևել էին, թե ինչպես պետք է վարել լուրերը, ինչպես գեղեցիկ խոսք կառուցել և մեծ ոգեւորվածությամբ լրատվական թողարկումը վարեցին իրենց դասընկերների առջև:

Դիտարկման փուլի ավարտին աշակերտներին հանձնարարել էի կրկին նկարել իրենց բնակավայրի, թաղամասի քարտեզը: Աշակերտներին բաժանեցի նաև հայտորոշիչ թեստերը, իրենք համեմատեցին, գտան բավականին տարբերություններ առաջին և վերջին աշխատանքների միջև, երեխա կար նույնիսկ բարձրաձայնեց. «կարծես ուրիշ թաղամաս նկարած լինեմ»:

Այնուհետև քարտեզները իրար կողք ամրացրեցինք պատին, երեխաները մի քանի օր շարունակ մոտենում էին բոլորի աշխատանքները նայում էին, վերլուծում էին, քննարկում էին:

Կարծում եմ դասի կառուցման այս տեխնիկան ու օրինակը մաքսիմալ կերպով մղում են սովորողներին մտածելու, կենսական են ու հնարավորություն են տալիս դուրս գալ դասագրքային իրականությունից ու գիտելիքը պրոյեկտել իրական կյանք:

## Եզրակացություններ, առաջարկություններ

<p><b>Վերհանված արդյունքներ, եզրակացություններ, պատասխան հետազոտական հարցին</b></p>	<p>Վերլուծելով երեխաների սկզբնական աշխատանքները, որի կատարողակա-նությունը կազմում էր դասարանի 25-30 տոկոսը, վերջնական աշխատանքների հետ, որի ժամանակ գրանցեցինք մոտավոր 80-90 տոկոս կատարողականություն, միանշանակ կարող ենք այո գործնական աշխատանքը նպաստում է երեխայի քննադատական և ստեղծագործական մտածողության վրա «Ես և շրջակա աշխարհը» առարկայի շրջանակներում:</p> <p>Վերոնշյալ թեման ուսումնասիրելիս եկա այն եզրահանգման, որ գործնական աշխատանքներ կիրառվում են «Ես և շրջակա աշխարհը» առարկայի շրջանակում՝ անպայմանորեն կառուցելով առարկայի չափելի վերջնարդյունքների վրա, ձևավորում այնպիսի կարողություններ և հմտություններ, որոնք վերառարկայական են և պետք են աշակերտին ողջ կյանքի ընթացքում: Մասնավորապես՝ սովորողները՝ զարգացնում են իրենց աշխարհաճանաչողական գիտելիքները, ձեռք են բերում սոցիալական հմտություններ, իրենց աշխատանքներում դիտարկում են տեսականի և գործնականի կապը, ինքնադրսևորվում են:</p> <p>Առաջարկում են « Ես և շրջակա աշխարհը» առարկայի յուրաքանչյուր դաս լինի</p>
---	--

հետազոտություն, փոքրիկ ուսումնասիրություն: Կարծում եմ, որ ոչ մի դաս չի կարող գուտ տեսական նշանակություն ունենալ: Յուրաքանչյուր դաս պետք է լինի մաքսիմալ փորձարարական/գործնական ու տեսանելի, հնարավորինս հետաքրքիր: Դասապրոցեսի առավելագույն հետաքրքրությունը կարելի է ապահովել միայն մասնակցային ու աշակերտակենտրոն դասապրոցեսում, որտեղ ուսուցիչը տալիս է հուշումներ, բանալիներ, ուղղորդում է, իսկ բուն աշխատանքը, գիտելիքի «հայտնագործումն» իրականացնում են երեխաները: Այսպիսի դասի առավել-լույծությունների թվում պետք է առանձնացնել մասնակցայնությունն ու գիտելիքի շոշափելիությունը, տեսանելիությունը, երբ աշակերտը հնարավորություն ունի ոչ միայն կարդալ արդեն եղածը, փորձել այն վերարտադրել, այլ նաև սեփական փորձով համոզվել, ինչու չէ նաև սեփական փորձը ավելացնել եղածին:

Սովորողների պասիվ ներկայություն պահանջող, որևէ նպատակով կարևոր համարվող, արդեն արձանագրված փաստերի, ապրած կյանքերի ու իրադարձությունների, գոյություն ունեցող հարաբերությունների ուսուցումը ներկայումս արդիական չէ: Աշակերտական համայնքն այսօր կարիք ունի ակտիվ մտածողության զարգացման, սեփական փորձով գիտելիքի կառուցման, ինչպես նաև սովորողների մոտ խոր հմտություններ ձևավորել:

<b>Այլ տեղեկատվություն</b>	



# Օգտագործված գրականության ցանկ


1. Ամիրջանյան Յ., Մանկավարժություն, Երևան, 2005
2. Հանրակրթության պետական կրթակարգ: Միջնակարգ կրթության պետական չափորոշիչ. – Եր., <>, 2004.
3. ՀՀ Տավուշի մարզում փորձարկվող <<Ես և շրջակա աշխարհը>> առարկայի չափորոշիչներ, <https://escs.am/files/files/2021-05-06/2f673a3c45c1e1dac473af0a1c31f648.pdf>, հասանելի է:
4. [Владимировна](#) Н. И., Развитие критического мышления учащихся начальных классов, <https://nsportal.ru/nachalnaya-shkola/raznoe/2012/02/23/razvitie-kriticheskogo-myshleniya-uchashchikhsya-nachalnykh>, հասանելի է:
5. Ведмеш Н.А., Развитие мышления, <https://psihomed.com/razvitie-myishleniya/>, հասանելի է:
6. . Միջազգային բակալավրիատ կրթական ծրագրի ինտերնետային կայք էջ, <https://ibo.org/>, հասանելի է:

# Հավելվածներ

## Հաշվետվության կցված նյութեր

- Հետազոտության գործիքներ (հարցաթերթիկներ կամ այլ)
- Նկարներ
- Արդյունքներ

## Սկզբնական աշխատանքներ



## Վերջնական աշխատանքներ

